

ხელშეკრულება საქონლის შესყიდვის შესახებ # 60-7-223-131

ქ. თბილისი

22 მარტი, 2023 წ.

I. მხარეები

1.1 წინამდებარე ხელშეკრულება დადებულია 2023 წლის 22 მარტს, ერთი მხრივ სს „საქართველოს სახელმწიფო ელექტროსისტემას“, წარმოდგენილი მისი დირექტორის შესყიდვებისა და ლოგისტიკის საკითხებში, დირექტორთა საბჭოს წევრის გიორგი გელაშვილის (მინდობილობა #221356227) სახით (შემდგომში – „შემსყიდველი“) და მეორეს მხრივ შპს „ჯი-თი ჯგუფს“ (შემდგომში – „მიმწოდებელი“) შორის, წარმოდგენილი დირექტორის ლევან ლემონჯავას სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს ინდუსტრიული კომპუტატორები (CPV კოდი: 32500000, 32540000) დანართი #1-ის (ფასების ცხრილი) და დანართი #2-ის (ტექნიკური პირობა) შესაბამისად.

2.2 დანართი #1 და დანართი #2 წარმოადგენს წინამდებარე ხელშეკრულების განუყოფელ ნაწილს.

2.3 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი #1-ის (ფასების ცხრილი) შესაბამისად და შეადგენს 297 444.96 (ორას ოთხმოცდაჩვიდმეტი ათას ოთხას ორმოცდაოთხი ლარი და 96 თეთრი) ლარს დღგ-ს ჩათვლით. (შემდგომში – „ხელშეკრულების ღირებულება“). „ხელშეკრულების ღირებულება“ ითვალისწინებს ყველა ხარჯს, მათ შორის შემსყიდველის მისამართებამდე ტრანსპორტირების შემსყიდველის მიერ მითითებულ ადგილას ჩამოცლის ხარჯებს.

3.2 ანგარიშსწორება განხორციელდება სრულად მიწოდებულ საქონელზე ან/და საქონლის მიწოდების დასრულებისას ფაქტობრივად მიწოდებულ საქონელზე, საბოლოო მიღება-ჩაბარების აქტის გაფორმებისა და საგადასახადო ანგარიშ-ფაქტურის წარმოდგენის შემდეგ არაუგვიანეს 8 (რვა) სამუშაო დღის განმავლობაში;

3.3 მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, „მიმწოდებელი“ ვალდებულია „შემსყიდველის“ წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დააყოვნებს ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;

3.4 იმ შემთხვევაში თუ ხელშეკრულების მიმდინარეობისას მიმწოდებლის მიერ მოთხოვნილი იქნა საავანსო გადახდა, შემსყიდველი მიმწოდებელს უხდის საავანსო თანხას (სახელშეკრულებო ღირებულების არაუმეტეს 30%) მიმწოდებლის მხრიდან შესაბამისი ოდენობის უპირობო და გამოუთხოვადი საავანსო-საბანკო გარანტიის შემსყიდველ ორგანიზაციაში მატერიალური სახით წარმოდგენის შემთხვევაში, საავანსო-საბანკო გარანტიის წარმოდგენიდან 5 (ხუთი) სამუშაო დღის განმავლობაში; უპირობო და გამოუთხოვადი საავანსო-საბანკო გარანტიის შესაბამისი ანგარიშფაქტურა წარმოდგენილი უნდა იყოს ავანსის გადახდიდან 2 (ორი) სამუშაო დღეში. საავანსო-საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 კალენდარული დღით მეტი ვადით.

3.5 უპირობო და გამოუთხოვადი საავანსო-საბანკო გარანტია წარმოდგენილი უნდა იყოს ქართულ ენაზე. უცხო ენაზე წარმოდგენის შემთხვევაში, თან უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე (დამოწმებული ნოტარიულად ან აპოსტილით);

3.6 უპირობო და გამოუთხოვადი საავანსო-საბანკო გარანტია წარმოდგენილი უნდა იყოს, საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი და/ან ბეჭედდასმული;

3.7 ავანსად გაცემული თანხა ჩაითვლება საბოლოო ანგარიშსწორებისას.

3.8 ანგარიშსწორება განხორციელდება ლარში, უნაღდო ანგარიშსწორების ფორმით.

3.9 სსიპ სახელმწიფო შესყიდვების სააგენტოს თავმჯდომარის 2022 წლის 05 ოქტომბრის #3149 განკარგულებით შპს „ჯი-თი ჯგუფი“-ს გაუგრძელდა მიმწოდებელთა თეთრ სიაში რეგისტრაციის ვადა (2022 წლის 05 ოქტომბრიდან ერთი წლის ვადით). ამასთან, სსიპ სახელმწიფო შესყიდვების სააგენტოს თავმჯდომარის 2016 წლის 26 თებერვლის #2 ბრძანების „თეთრი სიის წარმოების წესისა და პირობების დამტკიცების შესახებ“ მე-10 მუხლის პირველი პუნქტის ბ) ქვეპუნქტის შესაბამისად „წინასწარი ანგარიშსწორების შემთხვევაში, შემსყიდველ ორგანიზაციას წარუდგენს წინასწარ გადასახდელი თანხის ნახევარი ოდენობის გარანტიას, ხელშეკრულებით გათვალისწინებული პირობების შესაბამისად“.

IV. მხარეთა უფლება-მოვალეობები

4.1. „მიმწოდებელი“ ვალდებულია:

4.1.1 გადასცეს „შემსყიდველს“ საქონელი (ექსპლუატაციაში არ მყოფი, არ უნდა იყოს აღდგენილი და მეორადი).

4.1.2 საქონლის მოწოდება უნდა განხორციელდეს წინამდებარე ხელშეკრულების დანართი #1-ის (ფასების ცხრილი), და

დანართი#2-ის (ტექნიკური პირობა) შესაბამისად.

4.2. “შემსყიდველი” ვალდებულია:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს “მიმწოდებელს” მიღების ან ექსპლუატაციის დროს საქონელზე შემჩნეული ნაკლის აღმოჩენის თანახმად.

V. მიწოდების ვადა და ადგილი.

5.1 საქონლის მიწოდების ვადა არის: ხელშეკრულების გაფორმებიდან არაუმეტეს 100 (ასი) კალენდარული დღე.

5.2 საქონლის მოწოდება უნდა განხორციელდეს ტრანსპორტირების ხარჯების გათვალისწინებით, შემდეგ მისამართზე: ქ. თბილისი, ბარათაშვილის ქ. #2 (სს "სსე"-ის სათაო ოფისი).

* საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა), თუ საქონლის მიწოდება დაემთხვა არასამუშაო დღეს, მიმწოდებელმა საქონლის მიწოდება უნდა უზრუნველყოს მომდევნო სამუშაო დღეს.

VI. გარანტია

6.1. “მიმწოდებელი” იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

6.2. ინდუსტრიულ კომპუტატორების საგარანტიო ვადა შეადგენს მიღება-ჩაბარების აქტის გაფორმების დღიდან 1 (ერთი) წელს.

➤ საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა. მათ შორის:

➤ საგარანტიო ვადის განმავლობაში გამოვლენილი რაიმე ხარვეზის ან შეუსაბამობის შემთხვევაში, მიმწოდებელმა საკუთარი ხარჯებით უნდა უზრუნველყოს საქონელზე გამოვლენილი ნაკლის/ხარვეზის აღმოფხვრა ან წუნდებული საქონლის შეცვლა, შემსყიდველის მიერ განსაზღვრულ გონივრულ ვადაში, შემსყიდველის მხრიდან დამატებითი დანახარჯების გაწევის გარეშე ხელშეკრულებით გათვალისწინებული პირობების შესაბამისად;

➤ წუნის/ხარვეზის/დეფექტის/გაუმართაობის შემთხვევაში საქონლის ტრანსპორტირება უნდა უზრუნველყოს მიმწოდებელმა.

6.3. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, “მიმწოდებელი” ვალდებულია თავისი ხარჯებით გამოასწოროს ხარვეზი “შემსყიდველის” წერილობითი შეტყობინების მიღებიდან 10 (ათი) კალენდარული დღის განმავლობაში, თუ ეს შეუძლებელია “მიმწოდებელმა” “შემსყიდველის” წერილობითი შეტყობინების მიღებიდან 100 (ასი) კალენდარული დღის განმავლობაში უნდა შეცვალოს საქონელი.

6.4. ხარისხის გაუარესების თავიდან ასაცილებლის მიზნით, მხარეები თანხმდებიან, რომ საგარანტიო პერიოდის გასვლის შემდგომ საქონლის შეკეთებისას ან სათადარიგო ნაწილების შესყიდვისას გათვალისწინებული იქნება ქარხანა დამამზადებლის რეკომენდაცია.

VII. მხარეთა პასუხისმგებლობა

7.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.2 ამ ხელშეკრულების 7.1 პუნქტით გათვალისწინებული პირგასამტეხლო “მიმწოდებელს” გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს საგარანტიო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის/ საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/ საქონლის შეცვლის ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

7.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

7.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და “მიმწოდებელზე” დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 7.3 პუნქტით გათვალისწინებული პირგასამტეხლოს დარიცხვის საფუძველი.

VIII. ხელშეკრულების შესრულების საგარანტიო უზრუნველყოფა

8.1 მიმწოდებლის მიერ წარმოდგენილი უპირობო და გამოუთხოვადი ხელშეკრულების შესრულების უზრუნველყოფის გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

8.2. ხელშეკრულების შესრულების უზრუნველყოფის გარანტიის ოდენობა განისაზღვრება ხელშეკრულების ღირებულების 2,5%-ის ოდენობით;

8.3. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო და გამოუთხოვადი ხელშეკრულების შესრულების უზრუნველყოფის გარანტია გამოიყენება იმ ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო;

8.4. მიმწოდებლის მიერ ხელშეკრულებით ნაკისრი ვალდებულების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია და/ან მასთან დაკავშირებული დოკუმენტაცია 14 დღის განმავლობაში;

8.5. მიმწოდებლის მიერ ხელშეკრულების შეწყვეტის შემთხვევაში შემსყიდველი იყენებს გარანტიას მისთვის ხელშეკრულების შეწყვეტის შედეგად მიყენებული ზიანის ფარგლებში;

8.6. მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია;

8.7. გარანტია უნდა იყოს უპირობო, ე.ი. გარანტიით გათვალისწინებული თანხები შემსყიდველმა უნდა მიიღოს ყოველგვარი დამატებითი განმარტებისა და მტკიცებულების წარდგენის გარეშე, პირველი მოთხოვნისთანავე.

8.8. შესრულების გარანტიის გამოყენების ან მისი სხა მიზეზით ამოწურვის შემთხვევაში მიმწოდებელი ვალდებულია წარმოადგინოს ახალი გარანტია. წინააღმდეგ შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულების მოქმედება;

8.9 შემსყიდველის მხრიდან ხელშეკრულების შესრულების უზრუნველყოფის გარანტიის (საბანკო გარანტიის) გამოყენება არ ათავისუფლებს მიმწოდებელს წინამდებარე ხელშეკრულების მე-7 მუხლით განსაზღვრული „მხარეთა პასუხისმგებლობის“ ვალდებულებებისაგან.

IX. ხელშეკრულების შესრულების კონტროლი/ინსპექტირება

9.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი/ინსპექტირება „მიმწოდებლის“ მიერ ნაკისრი ვალდებულებების შესრულებაზე.

9.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის/ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

9.3 „შემსყიდველის“ მხრიდან ხელშეკრულების შესრულებაზე კონტროლს/ინსპექტირებას ახორციელებს სს „საქართველოს სახელმწიფო ელექტროსისტემის“ ქსელის ადმინისტრირების სამსახურის უფროსი გიორგი ტატიშვილი და SCADA-ს და საინფორმაციო ტექნოლოგიების დეპარტამენტის უფროსის მოადგილე ირაკლი კოდუა.

9.4 კონტროლი/ინსპექტირება განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

9.5 საქონლის მოწოდებისას „შემსყიდველის“ მიერ წინამდებარე ხელშეკრულების 9.3 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან და აფორმებს შესაბამის ინსპექტირების აქტს, ფაქტობრივად მიღებული საქონლის მიხედვით.

X. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კრანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 „შემსყიდველს“ შეუძლია ხელშეკრულება ვადამდე შეწყვიტოს:

11.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. „მიმწოდებლის“ გაკოტრების შემთხვევაში;

11.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

XII. ურთიერთობა მხარეებს შორის

12.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

12.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

12.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

XIII. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIV. დავათა განხილვა

14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

14.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

XV. შესყიდვის ობიექტის მიღება-ჩაბარების წესი

15.1 მიღება-ჩაბარების აქტი ფორმდება დადებითი ინსპექტირების აქტის საფუძველზე, საბოლოოდ, სრულად ან/და მიწოდების დასრულებისას ფაქტობრივად მიწოდებული საქონლის შესაბამისად.

15.2 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

15.3 „შემსყიდველის მხრიდან მიღება-ჩაბარების აქტზე ხელმოწერი უფლებამოსილი პირი არის სს „სსე“-ს დირექტორთა საბჭოს შესაბამისი წევრი ან/და შესაბამისი დეპარტამენტის უფროსი“.

XVI. ხელშეკრულების მოქმედების ვადები

16.1. ხელშეკრულება ძალაში შედის მხარეთა მიერ ხელმოწერისთანავე.

16.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2023 წლის 31 აგვისტოს ჩათვლით, ხოლო საგარანტიო ვალდებულებების ნაწილში საგარანტიო ვადის ბოლომდე.

XVII. ხელშეკრულების სხვა პირობები

17.1 ხელშეკრულება შედგენილია ქართულ ენაზე.

17.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

17.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

XVIII. კონფიდენციალურობა და გაუმჟღავნებლობა:

18.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/ შესყიდვები/ კონტრაქტის პირობები).

XIX. მხარეთა რეკვიზიტები

„შემსყიდველი“:

სს „საქართველოს სახელმწიფო
ელექტროსისტემა“

ქ. თბილისი, ბარათაშვილის ქ. 2
საიდ. კოდი: 204995176
სს „თი ბი სი ბანკი“
ბანკის კოდი: TBCBGE 22
ა/ა # GE02TB0600000102467636

გიორგი გელაშვილი

დირექტორი შესყიდვებისა
და ლოგისტიკის საკითხებში,
დირექტორთა საბჭოს წევრი
ბ.ა

„მიმწოდებელი“:

შპს „ჯი-თი ჯგუფი“
ტელ: 591 004 114

ქ.თბილისი, მარჯანიშვილის #65
ს/კ 404494695
სს „თი ბი სი ბანკი“
ბანკის კოდი: TBCBGE 22
ა/ა # GE35TB7478136080100003

ლევან ლემონჯავა

დირექტორი

ბ.ა

დანართი #1,
ფასების ცხრილი:

#	საქონლის დასახელება	ტიპი ან მოდელი	მწარმოებელი კომპანია	განზ.	რაოდ.	ერთეულის ფასი დღგ-ს ჩათვლით (ლარი)	საერთო ფასი დღგ-ს ჩათვლით (ლარი)
1	2	3	4	5	6	7	8
1	ინდუსტრიული კომპუტატორი IE4010 with 24GE Copper PoE+ ports and 4GE SFP uplink ports - IE-4010-4S24P/ IP SERVICES License -L-IE4000RTU=/ DNA Essentials - IE4010-DNA-E-H/	IE-4010-4S24P	Cisco	ცალი	6	49 574.16	297 444.96

„ხელშეკრულების ღირებულება“ შეადგენს
297 444.96 (ორას ოთხმოცდაჩვიდმეტი ათას ოთხას ორმოცდაოთხი ლარი და 96 თეთრი) ლარს დღგ-ს ჩათვლით.

„შემსყიდველი“:

სს „საქართველოს სახელმწიფო
ელექტროსისტემა“

გიორგი გელაშვილი

დირექტორი შესყიდვებისა
და ლოგისტიკის საკითხებში,
დირექტორთა საბჭოს წევრი
ბ.ა

„მიმწოდებელი“:

შპს „ჯი-თი ჯგუფი“

ლევან ლემონჯავა

დირექტორი

ბ.ა

დანართი #2,
ტექნიკური პირობა:

#	დასახელება და რაოდენობა	საქონლის ტექნიკური პარამეტრები		
1	2	3		
1	ინდუსტრიული კომპუტატორი (6 ცალი) IE4010 with 24GE Copper PoE+ ports and 4GE SFP uplink ports - IE-4010-4S24P/ IP SERVICES License -L- IE4000RTU=/ DNA Essentials - IE4010-DNA-E-H/	ფორმ ფაქტორი	ინდუსტრიული კომპუტატორი Rack mountable 1U, 19“ მოწყობილობის მაქსიმალური სიღრმე - 35.6 სმ	
		პორტები	24 ცალი 10/100/1000 RJ-45 PoE+ პორტი, და 4 ცალი Gigabit Ethernet SFP პორტი. SFP-ების ტიპების მხარდაჭერა: 1000BASE-T, 1000BASE-SX, 1000BASE-LX/LH, 1000BASE-EX, 1000BASE-ZX, 1000BASE-BX10, 1000BASE-BX40, 1000BASE-BX80, 100BASE-FX, 100BASE-LX10, 100BASE-EX, 100BASE-ZX, 100BASE-BX10	
		კომპიუტერების წარმადობა	56 Gbps (სრული დუპლექსი) და 41.67 mpps (64-ბაიტთან პაკეტებზე).	
		მახასიათებლები	16 000 MAC მისამართი, 1000 VLAN	
		ფუნქციონალი და პროტოკოლების მხარდაჭერა	L2 კომუტაცია	IEEE 802.1D MAC Bridges, STP IEEE 802.1q VLAN IEEE 802.1s Multiple Spanning-Trees IEEE 802.1w Rapid Spanning-Tree IEEE 802.3ad Link Aggregation (LACP)
			Power over Ethernet (PoE)	IEEE 802.3af PoE IEEE 802.3at PoE+ PoE მხარდაჭერა მინიმუმ 24 პორტზე
			უსაფრთხოება	SCP, SSHv2, SNMPv3, TACACS+, RADIUS Server/Client, MAC Address Notification, BPDU Guard, Port-Security, Private VLAN, DHCP Snooping, Dynamic ARP Inspection, IP Source Guard, 802.1x, Guest VLAN, MAC Authentication Bypass, Storm Control (Unicast, Multicast, Broadcast)
			მართვა და მონიტორინგი	კონფიგურირება - CLI და HTTP/HTTPS GUI IEEE 802.1AB LLDP Ethernet OAM IEEE 802.3ah CFM (IEEE 802.1ag) Dying gasp GOOSE messaging SCADA პროტოკოლის კლასიფიკაცია Remote/Local Port Mirroring DHCP სერვერი DOM (Digital Optical Management) SNMPv2c/v3 Syslog 4 dry contacts input გარე სენსორების მისაერთებლად მონიტორინგის და დიაგნოსტიკისთვის საჭირო ფუნქციების არსებობა
			მომსახურების ხარისხის მართვა (QoS)	Ingress Policing Egress Queueing/shaping 4 Egress Queue თითო ინტერფეისზე
		კვების ბლოკი	მოყვება 2 ცალი დუბლირებული კვების ბლოკი: 1x AC 220-240V ბლოკი 1x DC 24-60V ბლოკი არის ერთ მოწყობილობაში შერეული ტიპის (AC/DC) კვების ბლოკების მუშაობის მხარდაჭერა კონფიგურაცია იტვირთება და სვიჩი მუშაობს გამართულად თითოეულ კვების ბლოკზე დამოუკიდებლად	

		ლიცენზია	LAN base L2 to IP Services L3
		სამუშაო ტემპერატურული რეჟიმი	Operating Temperature: 0C to +40C

შენიშვნა:

მოწოდებული საქონელი უნდა იყოს ქარხნული შეფუთვით, ექსპლუატაციაში არმყოფი (არ უნდა იყოს აღდგენილი და მეორადი).

„შემსყიდველი“:

სს „საქართველოს სახელმწიფო
ელექტროსისტემა“

გიორგი გელაშვილი

დირექტორი შესყიდვებისა
და ლოგისტიკის საკითხებში,
დირექტორთა საბჭოს წევრი
ბ.ა

„მიმწოდებელი“:

შპს „ჯი-თი ჯგუფი“

ლევან ლემონჯავა

დირექტორი

ბ.ა



155/124-02
21/03/2023

ხელშეკრულების შესრულების საგარანტიო უზრუნველყოფა

საბანკო გარანტია N 3684781-12474465

თბილისი

2023 წლის 21 მარტი

გარანტი: სს თიბისი ბანკი (ს/ნ 204854595)
გარანტის მისამართი: კ. მარჯანიშვილის ქ. #7, თბილისი 0102, საქართველო
პრინციპალი: შპს ჯი-თი ჯგუფი
საიდენტიფიკაციო ნომერი: 404494695
ბენეფიციარი: სს საქართველოს სახელმწიფო ელექტროსისტემა (ს/ნ 204995176)
საგარანტიო თანხა: 7437 (შვიდი ათას ოთხას ოცდათრეცდმეტი) ლარი

მხედველობაში ვიღებთ რა, რომ შპს „ჯი-თი ჯგუფი“ (შემდგომში „პრინციპალი“), ბენეფიციარის მიერ ინდუსტრიული კომპუტატორების სახელმწიფო შესყიდვაზე გამოცხადებულ ტენდერში (#SPA230000482) წარდგენილი თავისი წინადადების შესაბამისად, იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით, ბენეფიციართან გასაფორმებელ ხელშეკრულებაში (შემდგომში „ხელშეკრულება“) მითითებულ თანხაზე, ჩვენ, სს თიბისი ბანკი (მის.: საქართველო, ქ. თბილისი 0102, მარჯანიშვილის ქ. #7) (შემდგომში „გარანტი“), თანახმა ვართ გავცეთ პრინციპალის სახელზე ზემოთ აღნიშნული საბანკო გარანტია.

ამასთან დაკავშირებით, ვადასტურებთ რომ ვართ გარანტები და პასუხისმგებლები თქვენს წინაშე საერთო თანხაზე 7,437 (შვიდი ათას ოთხას ოცდათრეცდმეტი) ლარი და გამოუთხოვად და უპირობოდ (რაც გულისხმობს, რომ საგარანტიო თანხის ანაზღაურების შესახებ ბენეფიციარის წერილობით მოთხოვნაში მითითებული უნდა იყოს თუ რაში გამოიხატება პრინციპალის მიერ ვალდებულების დარღვევა, მოთხოვნისა და/ან მოთხოვნილი თანხის ყოველგვარი დასაბუთების და დოკუმენტალურად დადასტურების ვალდებულების გარეშე) ვკისრულობთ ზემოაღნიშნული თანხის გადახდას, პრინციპალის მიერ ხელშეკრულების პირობების დარღვევის საფუძველზე, თქვენი პირველივე წერილობითი მოთხოვნისთანავე 5 (ხუთი) სამუშაო დღის ვადაში.

ბენეფიციარის მოთხოვნა თანხის ანაზღაურებაზე წარმოდგენილ უნდა იქნეს წერილობითი ფორმით, სადაც მითითებული იქნება მოთხოვნილი თანხა და განმარტებული იქნება კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან.

გარანტია ძალაში რჩება 2023 წლის 20 ოქტომბრის ჩათვლით (შემდგომში „მოქმედების ვადა“). აღნიშნულიდან გამომდინარე, ნებისმიერი მოთხოვნა ან პრეტენზია ბენეფიციარის მიერ წარმოდგენილი უნდა იქნეს საბანკო გარანტიის მოქმედების ვადის გასვლამდე, გარანტის ზემოთ მითითებულ მისამართზე.

საბანკო გარანტია ავტომატურად უქმდება:

- საბანკო გარანტიის ვადის გასვლით;
- ბენეფიციარის მიერ საბანკო გარანტიიდან გამომდინარე საკუთარ უფლებებზე წერილობით უარის თქმით;
- გარანტის მიერ საგარანტიო თანხის ბენეფიციარისთვის სრულად გადახდით.

წინამდებარე საბანკო გარანტია რეგულირდება საქართველოს კანონმდებლობით.

ს.ს. "თიბისი ბანკი" ჭავჭავაძის გამზირის სს #1ს ბიზნეს გაყიდვების კოორდინატორი ქეთევან მიჩინაშვილი

